



**Avgvstini Valerii, Veronensis Episcopi, De Rhetorica  
Ecclesiastica Libri III. Perqvam Ervditi**

**Valiero, Agostino**

**Coloniae, 1582**

Quomodò excitandi sint auditores ad spem. Cap. XXIII.

---

[urn:nbn:de:hbz:466:1-69050](#)

nes, ideo fame, peste, bello, saeuissimisq; tyrannis, tāquam instrumentis, vtitur Deus, ad cōuertendum populū suum: sed valdē deplorādum est, quod sicut eodem igne aurum rutilat, palea fumat; itā vna eadem afflictionum vis, mul totos quidem ad praeclarissimas virtutes exercet, sed plerosq; damnat, perdit, exterminat: quoniam omnes suas cogitationes & spes, cūm in rebus hisce fluxis & caducis, non in Deo, fixas & locatas habeant, diuinam voluntatem non agnoscunt, & amore proprio decepti, ignorant multo melius esseprobari et tentari; quām non tentari & reprobari. Quarē tractet orator, nō esse miserum corripi à Domino, plagis affici à patre, cūm ipse dixerit: Quos amo, corrigo & castigo. cumq; ipse fidelis Deus, non patiatur nos tentari supra id, quod possumus, sed miserrimum esse, plagi cœlestis patris non fieri meliorem.

Quomodo excitandi sint auditores ad spem.

Cap. XXIII.

**S**PES est expectatio boni, ad quam excitat Christianos homines, Dei bonitas, Christi paſſio, & multorum martyrum beatæ mortes, quibus ad vitam peruerunt æternam. Pulcherrimus est locus B. Gregorij Nazianzeni, qui Ioēliū sententiam proferens, Quis scit, si conuertatur Dominus, et benedictionem relinquat? ipse subiungit: Ego planè scio, & sum diuinæ misericordiæ sponsor. cūm enim ira diuinæ naturæ aduersetur, sine dubio, si voluerimus, ad virtutem, eius naturæ maximè propriam, ad misericordiā conuertetur. In solēnitatibus autem, in primis ad spem Ecclesiasticus orator excitare poterit, vt san-  
ctissimo

Etissimo die natalis Domini, si ad populum, qui eo die ad Ecclesiam frequens conuenire solet, sermonem habebit; dicet, venisse in mundum filium Dei, ut cœli ianua aperietur; factum hominem, ut nos aliquo modo dij efficemur: illum esse diem redemptionis nostræ, reparacionis antiquæ, & felicitatis æternæ: sublatos esse errores, quantum venit magister ad ignoratiæ tenebras depellendas; ad morbos animi sanandos venisse medicum: regem demum natum esse, qui tyrannidem diaboli deprimeret, et mortem etiam ipsam profigaret. Sed maximè caendum clericis, nè spem in auditorum animis ipsi excitantes, inanem fiduciam, ut alio loco iam diximus, inducant, ex qua tot hæreses, tot calamitates profectæ sunt: quamobrem temperanda est semper oratio, ita ut dicat venisse quidem Dominum in hunc mundum, ut volentibus ingressi portas cœli aperiret, sanare quidem grauißimos morbos, quibus laboramus; sed minimè sanare eos, qui medicum & medicinam respūt; magistrū esse omnium, minimè autem infelicem, qui disciplinam negligunt. Si ad populum, timore imminentis periculi perterritum, habendus est sermo, ut hoc anno necessè fuit habere, quo misericordia Domini maximè apparuerunt, ut propheta verbis utar, quia ab immanissimo Turcarum tyranno nō solum consumpti nō sumus, sed gloriosam etiā victoriam Christiani principes reportarunt, afferenda sunt prophetarum grauißimæ sententiae, præsertim Isaiae: Noli timerre popule meus, Assur in virga percutiet te, & baculum suum leuabit super te in via Aegypti adhuc paululum et modicum, & consummabitur indignatio mea, & furor meus super scelus eorum, & suscitabit super eum Domi-

nus

nus exercituum flagellum. quibus verbis ostendere poterit orator neminem vñquam, qui in Domino sperauerit, confusum esse: hæc verba locutum esse Dominum per prophetam: Requiescere faciam potentes, superbiam infidelium humiliabo.

Quod hæc sancta Respub. quæ dicitur Ecclesia, est veluti corpus varijs distinctum partibus, & quod excitandi sint auditores, ut in propria vocatione maneant.

Cap. XXIIII.

ET quoniam vniuersa Christiani orbis Respub. imago in eum præse fert nobilissimi cuiusdam corporis, praestantissima anima formati, dicat Christianæ Reipublicæ animam esse religionem, corpus vero varia hominum genera, quæ veluti membra illius corporis nuncupatur: nobilissima membra sunt, sacerdotes, Dei ministri, inter quos sunt gradus, ita ut omnes à Christi vicario pendeant, eumque in primis venerentur; eius veluti defensores, & charissimi filij sunt imperatores, reges, & principes, qui eo meliores sunt, quo magis à Dei ministris pendent, & sanctam matrem Ecclesiam consilio & opibus, sanguine etiam ipso defendunt. Hanc ipsam formam proponet Ecclesiasticus orator, ad hunc usum, ut doceat manendum vnicuique in vocatione sua: imperare esse difficilimum sibi, nedum cæteris, quarè non inuidendum sacerdotibus, non inuidendum regibus, orandū potius pro illis, consilio, ope, & diligentia iuuandos, ut onus sustineant; carere reges et principes, episcopos etiam & sacerdotes huius vita solatij: eorum vitam plenam periculis, laboribus, & sollicitudi-